



GREEN
CLIMATE
FUND



BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO
PROSTORNOG UREĐENJA



POVEĆANJE ULAGANJA U JAVNE
OBJEKTE SA NISKOM STOPOM
EMISIJE UGLJIKA U
BOSNI I HERCEGOVINI



POZIV ZA SUDJELOVANJE NA 1-DNEVNOJ STRUČNOJ RADIONICI U BANJA LUCI ZA OBUKU O SISTEMU UPRAVLJANJA ENERGIJOM-EMIS

U OKVIRU PROJEKTA

"POVEĆANJE ULAGANJA U JAVNE OBJEKTE SA NISKOM STOPOM EMISIJE UGLJIKA (LOWCARBON)"

PROJEKT JE FINANSIRAN OD STRANE GCF-a (GREEN CLIMATE FUND), A PROVODI GA RAZVOJNI
PROGRAM UJEDINJENIH NARODA U BIH (UNDP BIH) U SARADNJI SA

„Projekat energetske efikasnosti za Bosnu i Hercegovinu – AF BEEP“

KOJI PROVODI FEDERALNO MINISTARSTVO PROSTORNOG UREĐENJA BIH U SARADNJI SA
SVJETSKOM BANKOM

BANJA LUKA

06. decembar/prosinac 2022. godine

Lokacija održavanja stručne radionice: Hotel Jelena Banja Luka: Jovana Dučića 25,
78000 Banja Luka, RS, BiH

Cilj projekta "Povećanje ulaganja u javne objekte sa niskom stopom emisije ugljika (Lowarbon)" je povećanje ulaganja u zgrade javne namjene sa niskom emisijom ugljika putem izrade i provedbe Nacionalnog okvira za niskoemisiona ulaganja u zgrade javne namjene, koji obuhvata integrisani paket politika, regulatorna, tehnička, informatička, finansijska i menadžerska rješenja koja su kreirana u cilju rješavanja rizika i prepreka za investiranje. Projekat će dovesti do povećanja nivoa ulaganja u zgrade javne namjene sa niskom emisijom ugljika za četiri do pet puta, što će omogućiti BiH da ispuni navedeni cilj smanjenja emisija plinova s efektom staklene bašte iz sektora zgrada javne namjene.

Također, i Vlada Bosne i Hercegovine (BiH) prepoznala je značaj energetske efikasnosti (EE) za podršku održivom ekonomskom rastu i pridruživanju naše zemlje Evropskoj Uniji (EU), te je zahvaljujući Međunarodnoj banci za obnovu i razvoj (*International Bank for Reconstruction and Development - IBRD*) dobila kreditna sredstva za „Dodatno finansiranje projekta energetske efikasnosti u Bosni i Hercegovini“ (*Additional Financing for BEEP – AF BEEP*). Cilj projekta je demonstriranje prednosti poboljšanja energetske efikasnosti u zgradama javnog sektora i podrška razvoju skalabilnih modela finansiranja energetske efikasnosti. Projekat AF BEEP je pokrenut 2020. godine, a u FBiH ga implementira Federalno ministarstvo prostornog uređenja.

Zahvaljujući projektnim aktivnostima Federalnog ministarstva prostornog uređenja, od 2016. godine u okviru BEEP-a kroz investiciju od 39.3 miliona KM, do sada je obnovljeno 80 javnih zgrada ukupne površine veće od 246.000 m². Time je kreirano 1.963 zelenih radnih mjesta, te je poboljšana ugodnost boravka za više od 476.500 korisnika. Implementacijom mjera EE u okviru BEEP projekta očekuje se smanjenje emisija CO₂ od gotovo 9.000 tona godišnje, dok uštede energije na godišnjem nivou iznose 29.500 MWh.

Projekat energetske efikasnosti u Bosni i Hercegovini osim energetski efikasne obnove javnih zgrada, doprinosi i edukaciji šire javnosti o značaju energetske efikasnosti u sektoru zgradarstva, što je rezultiralo kreiranjem stručnog programa obuke u oblasti energijske efikasnosti u sektoru zgradarstva. Stoga je Federalno ministarstvo prostornog uređenja, putem Implementacione jedinice projekta BEEP, odgovorne za pripremu, koordinaciju, upravljanje i

implementaciju projekta u Federaciji BiH angažiralo konsultantsku kompaniju CETEOR d.o.o. Sarajevo za implementaciju projekta pod nazivom "Pružanje usluga organizacije i provođenja treninga iz oblasti energetske efikasnosti za različite grupe učesnika". U skladu sa projektom i očekivanim rezultatima, trening je koncipiran u 3 modula:

Modul 1 - Energetska efikasnost i upravljanje energijom, OIE, Nacionalni investicijski okvir (NIF) i ESCO finansijski mehanizmi - šest (6) jednodnevnih sesija;

Modul 2 - Razvoj projekta, implementacija i praćenje ulaganja u EE i RES - šest (6) jednodnevnih sesija

Modul 3 - Sastoji se od 2 komponente:

Modul 3-3.1. Trodnevna radionica za PIU implementacijskih partnera;

Modul 3-3.2. EMIS obuka za više rukovodstvo u javnim institucijama, kantonima, općinama (ministri, gradonačelnici, direktori itd. (namijenjeno višem rukovodstvu u javnim institucijama, kantonima, općinama (ministri, gradonačelnici, direktori itd.)) - četiri (4) jednodnevna treninga.

U okviru stručne radionice Modul 3-3.2. obrađuju se teme koje su u vezi sa unapređenjem provedbe EMIS-a u BiH, stoga pozivamo sve predstavnike institucija (državni, entitetski, kantonalni i općinski nivo) i javnih objekata da svojom prijavom i prisustvom uzmu aktivno učešće u razvoju energetske efikasnosti u BiH i EMIS-a:

Modul 3-3.2. EMIS – jednodnevna stručna radionica

Nakon odslušanog Modula 3-3.2. učesnicima će biti dodijeljena Uvjerenja o uspješno završenoj obuci.

Napomena: Predmetna obuka će se organizirati u skladu sa preporukama nadležnih zdravstvenih institucija vezano za trenutnu epidemiološku situaciju sa COVID-19 virusom, te odlukama Kriznih štabova FBiH i RS u pogledu organiziranja skupova različite namjene.

Broj mjesta na Modulu 3-3.2. je ograničen.

Sve troškove sudjelovanja u programu snose organizatori.

Molimo Vas da pravovremeno osigurate učešće na Modulu 3-3.2. i prijavite se putem *prijavnog obrasca u prilogu.*

Molimo Vas da Prijavu izvršite najkasnije do: 30. novembar/studeni 2022. godine.

Nakon isteka roka za prijavu, aplikanti će biti blagovremeno obaviješteni o prihvatanju aplikacije.

Za više informacija o predstojećem treningu kontaktirajte:

Amila Ivazović-Brčaninović, dipl.ing.arh., e-mail: abrcaninovic@ceteor.ba, tel. + 387 33 563 587, ili

Lejla Sahačić. e-mail: lsahacic@ceteor.ba, tel. + 387 33 563 582